

آبونه شرائطی

ممالك عثمانیهده سنه لکی (۶۵) ، الق
اولفی (۳۵) غروشدیر .
ممالك اجنبیهده سنه لکی (۱۷) ، الق
ایلفی (۹) فرائقدیر .

اداره خانه

باب عالی جاده سنده اورخان بك خاننده
نومرو ۲۳-۲۶

اخطارات

آبونه بدلی پیشندیر .

§

مسلكه موافق آثار مع المحتوییه قبول
اولنور . درج ایدیلمه یں یازیلر
اعاده اولوغاز .

الدوره

سیر ۱۳۳۰

دینی، علمی، ادبی، سیاسی خفلهلق مجموعه اسلامیه در

والله یهدی من یشاء الی صراط مستقیم

اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۲ - ۹

۲۱ شباط ۱۳۲۸

پنجشنبه

۲۸ ربیع الاول ۱۳۳۱

عدد ۵۲ - ۲۳۲

هر مؤمن اسلامیتك حفظ علوتی ، اخوان دینك صیانت حیاتی
ایچین مال و جان فدا ایله مکلندر .

امتناعی حالده اوندن آشنالی کسمک ، یوز چویرمک ، خسته-
لغنه زیارتنه کیممه مک ، وفاتنده جنازده بولونماق حاصلی اوکا
بوتون مناسیله « یوقوتاز » یا بق هر مؤمنه فرض اولور . او نصل
حیات اسلامه ، میلیونلرجه اخوان دینك فلا کتسه اومت و برمز ،
مالاً و بدنأ معاوتی دریغ ایدرسه او اخوان دینی ده اونك هیئت
اجتماعی لری ایچنده موجودتیه اهمیت ویرمزلر ؛ اونی عدم منزله سینه
نزیل ایدرلر ؛ تا که آغوش حمایه سنده یاشادینی هیئت اجتماعی بی
استخفاف ایتمه مک معناسنی آکلا سین ! مالی ، جانی او جمعیه مدیون
اولدینی تقدیر ایتسین ! ارامت بونی یا بزم ، جمعیت بو وظیفه مهمه سنی
مهمه مزده هر کس ایستدیکی کی یا بزمه کندنده صلاحیت کوررسه او
جمعیت یاشامز . برات اقراض واضمحلالی کندی اوزالیله یارمش ،
انتخار ایتش اولور . اوروپا اقوام مدنیه سئک اس اساس ترقی و تعاملی
ایشته بود-تور اجتماعی و ملیدر .

بالقان ملت لری بزدن بومهم دستوره توسل سایه سنده آریلدیلر .
اولا اوفاجق بر قوت حصوله کتیرمکدن ایشه باشلادیلر . فداکارلغ
اقتضای امکانده چالیشدیلر . کوزلرمزك ٹوننده نهلر یا بیدیلر . نهایت
موفقده اولدیلر . یاشامق فقط - اوله اسیر و ذلیل دکل ! - حر ،
مستقل بر ملت اوله رق یاشامق حقوق طبیعی بشریه نك الك مقدسیدر .
بو حق استحصال ایچون انسانه هر شی مباح اولور . حتی اسلامیت بونك
ایچین « الامن اکره و قلبه مطمئن بالایمان » جمله جلیله استثنایه سیله
ایمان لفظینك فدا سینه قدر مساعده ایدیور . بو مساعده الهیه ده کی
حکمتك بوبو کاکتی انحق ارباب عرفان تقدیر ایدر .

باقیکز ! بوکون بزم حیات حقیقیمز اولان ناموس استقلالمز ،
استقلال دینی و ملیمز ته لکده . دشمن خنچری تا قلبه کیرمش ،
سینه سندن قانلر فیشقیریور ، جان آلوب جان ویریور . یوز بیکلرجه
اولاد اسلامیت هر درلو محرومیه قاتلامش ؛ قارلر ، بوزلر ، چامورلر ،
اولوملر ایچنده دین و قرآن دشمنه کوکس کر مشلر ، هر لحظه شهادته
منتظر بولونیورلرده بریدن صیج جاق اوطه لرنده هر درلو ذوق نعیم
ایچنده ، عائله لرك یاننده کمال حضور و راحتله یاشامقده ، اللریخی
صیج جاق صودن صغوق صویه صوقنی بوبوک بر اض-طراب عد
ایتمکده اولان زنکینلر کویا قرآن کریمک احکام اوامر و نواهی سندن
مستثنا ایمشلر کی بالفعل حربه کیتمدیکدن ماعدا بش پاره سنی بیله
قیصقانیورلر . دوکوم اوستنه دوکوم ووریورلر . بوکون اون پاره یه
آووج آچمده اولان روم ایلی نك دونکی اون ، یکر می ، اوتوز ، قرق
بیك ایرالق زنکینلرندن اولسون عبرت آلمورلر . هله بونلر میاننده
متشرع ، متدین کچینلره بیلمم نه دیلی ! بونلر امین اولسونلر که جناب
حق و روح رسولی کندیلرندن تمامیه یوز چویر مشلر ، اسملریخی دفتر
سعدادن سیلمشلدردر . بوکیلردن سلامی کسمک ، تمامیه یوز چویرمک

الله ورسولنك ، امت - فقط بیلمم هانکی امت ؟ ! - اوزرند ، اک
بوبوک حقوقدندر .

هرزنکین مؤمن ایچون معیشتندن فضله ثروتی ویرمک فرضدر .
ویرمزسه اسلامیه - نوحیده اعداسندن زیاده دشمنلق ایتش اولور .
ناموس اسلامیتك لکدار اولسنه راضی اولمق مقتضای اسلامیتیدر .
بر حکومت اسلامیه نك ملتندن استقراضه مجبور اولمسی قدر اغنیای
اسلام ایچون یوزقارمسی اوله مز . بوپا بی اقراض صورتیه دکل ، اک
مهم رفرض الهی اوله رق ویرمکه مجبو ایکن ، حتی واقراضی ده دریغ
ایتمک . صوکراینه کندیلرینه اسلام سوسی ویرمک !....

« سوف تری اذا انجلی الغبار - افرس تحتك ام حار ،
اسلامیت نه قدر عالی ایسه بز شو زمانك مسلمانی لری ده اولسبت
معکوسده سافلز . تحت بیتلری کی دشمن ایغی آلتنده چیکنه نیور ،
هر دورلو ذلته ، حقارتیه ، هر نوع ناموس سزلغه ، حتی ارتداده بیله
قاتلانیوریز .

بز تام معنای علویتیه مؤمن کامل اولسحق الیزدن چیقان فوجه
روم ایلی بی بر کونده استراد ایده بیلیریز . اوده اللهک امرایتدیکی کی
بوتون استطاعت مالیه و تقدیه مزی در حال میدان حیمه بیغمق ، بر آلتون
طاغی و جوده کتیرمکله اولور .

ایشته بزم کتاب الله دلیل اعتصامز ، شاهد انتباهمز بودر .
بوکون حقیقی مؤمنلر ایچین اک مهم فریضه قرآنیه ایشته بودر . فقط
افسوس ، که بر غیر مسلم اسلامیت شرفه یکر می بیك (۲۰۰۰۰) لیرایی
بردن فدا ایدیورده اسلامیتی کیمسه یه ویرمین قورو آدلی مس لمائلر
یوزینه بیله باقیور .

تعزیت سکا ای اسلامیت ! تسلیت سکا ای انسانیت ! ای حقیقی
مدنیت !

محمد فخرالدین

مَقَالَتُ

اعتراف و اشهاد مقالسی مناسبتیه

دیار تارومار عثمانینك بر قاج عصر دن بری معروض قالدینی خونین
فلا کتیرک ، دلخراش سفالتلرک ، بک انصافسز قطع عضو عملیه لرینک
برنجی درجه ده مسئولیتی اسکی ، یکی بوملککته متفکر کچین طبقه یه
عائد اولدینی شبهه سزدرد .

بر مملکت ارباب علم و عرفانیله در که حضیض سفالتدن اوج کاله
صعود ایدر . ینه بو فیاض و حقیقت بین ذکالرك موجات تلقیناتی در که
اویومش دماغلری بر صور انتباهله دیر یلتیر ، اولومدن ، اقراضک
قورقونج و بی امان دیشلری آره سنده کیرلمکدن قورتاریر .

بر ملت اعظمیه یاشمار دیورلر . نه طوغری سوز ! . بر ملتی

حاله ، شخصیه عائد سبیل منفعتلر ، بیانی احتیاجلری تأمین ایچون :
هر کار که سلطان پسندد هنرست

دییه رک شریعتی مستبدلرک بازیچه آمالی ، ملتی جهل و عطالتک جانلی
برتمالی حالته کتیرنلرک سیئات افعالی بوکونکی نسلک دوش ضعیفی
از میورمی ؟

فکرلری اولدیرن ، روحلری سوندیرن منفور دورلری شرحه
هیچده حاجت یوق . علم نامنه ترهسات ، دین نامنه خرافه لرله هر
دماغی او یوشدیره رق مملکتی باشند باشه برشوره زار جهالته وندورنلری
بز ، اونو تمق ایستهمه سک بیله تاریخ و اخلاف لغتله یاد ایده جکدر !
تاریخ اسلام و عثمانیده صنوف علمیه نك اولکی فیض و عرفانلری مصور
صحیفه لرله بوکونکی حالنی مقایسه ایدن هر متفکرک ، استقبالتک خیال
هول انکیزی قارشوسنده تیره مه مه سی ممکن دکدر .

ملتک مصائبه علاقه دار و اوندن مشول اولان صنوف متفکره
آره سنده علمیه صنفک کندیلرینه توجیه ایدیلن اتملردن بالفعل
صیریلوب چیمه لری ایجاب ایدرکن ساکت و لاقید طریق سابق
تعقیب اتمه لرینی کورمک امید سزلکی آرتیران پک خجیع بر حال
اولیوردی .

بوسکوت ، منسوبین علمیه نك ، مدارسک بوکونکی حالنی اک
نهی بر حال ، بوکونکی طرز تدریسی اک معقول ، اک طوغری بر
اصول ظننده بولندقلری قناعتی ویریوردی .

چونکه نقصانی بیلمه مک ، قصوری اعتراف ایتمه مک ، فائده سز
شیلرله اوغراشلدیغنی تصدیقندن استکفاف ایتک بوتون امیدلری
بیقه جق ، منتسبین علمیه نك احتیاجات عصریه نی تقدیر ایده جک بر
سویه ده اولمقلری ظنی تولید ایده جکدی .

سبیل الرشادک کچن هفته انشار ایدن نسخه سنده مندرج کنج ،
متفکر و احتیاجات عصریه نی بحق مدرک بر قسم مدرسین کرامک
امضالری حاوی بر مقاله ، بوتون بوطن و قناعتلری چوروتیور ،
مایوس قلبلره نوشین بر نفخه امید صاچیور .

فی الحقیقه ، بایزید درساملرندن منور بر کتله علمیه نك کوندرمش
اولدینی (اعتراف و اشهاد) عنوانی بومقاله . های وهوی زمان
آره سنده سونوب کیتهمه سی جائز اوله میه جق مهم بر احتیاج ملی به
متعلق بولنیوردی .

مدرس افندیلر بومقاله ده مسلک لرینک نه صورته یابس و عقیم
بر حاله کلمش اولدیغنه دائر کوزه چاربان عوامله تماس ایتدکن صوکره
دیورلرکه :

« بو اعتیاد سائقه سیله درکه صوک عصرلرک بزه پک الیم صورتلرده
کندیسی احساس و اقتضا ایتدیرن احتیاجات مبرمه و تجدیدات مهمه سندن
علمیه زمره سی حالا خبردار اولق ایسته میورکی طور بیور و حیات حاضره نك
شرائطی استکمال ایله بولندقلری مسلک جلیله شایان بر انقلاب علمی حصوله
کتیره رک آتی ایچون استحقاق حیات ایتکی قیامت کی بر فلاکت عدایدیور .
مسلک و ملتک حیاته سوء قصد دیمک اولان بو حال ، ملت لرینک اک شدتلی

سیاستده ، معرفتده ، صناعت و تجارتده ، حتی حماسه عسکریه ده
یوکسلتن ، شعله دار معالی به مظهر ایدن اوملتک مر بیلری ، موقعا
کوچوک فقط ، حقیقت حالده بوتون معناسیله بویوک اولان مر بیلری ،
مر بی فکر یلریدر .

تاریختک منسی صحیفه لرنده ابد نمون بر مفخرت حالنده پایدار
اولان ادوار ماضیه اسلامی به عائد شانلر ، شرفلر ، بدیهه نما
آبدلر ، مخلصه مؤسسهر ، وله بخش حماسه و سیاستلر هپ اولرک ،
ملت اسلامی به بدرقه عرفان اولان او فضالتک اثر همتیدر .

سلطنت عثمانیه نك مؤسس عالی تباری عثمان قازی ، ادبالی کبی
بر فضالتک ارشاد ایله تنور ایتمه مشمیدر ؟

اوافق بر دره بکلکنی بر حکومت معظمه اساسلری اوزرینه
قوران مراد خداوند کارک ملهم افکاری ، قره خلیل کبی برداهی
کالات دکلیدر ؟ عصرینک اعظم علماسندن ، بلکه ده مهره سیاسیونندن
اولان قره خلیل مرحوم ، بنیاد سلطنتی حیرت بخش بر دست مهارتله
اوقدر متین ، اودرجه رصین اساسلر اوزرینه بنا ایلشدی که ، سلیم
ثانی دورندن اعتباراً بیکلرجه عضومهین داخل ، خارجاً او اساسلری
بیقیمغه چالیشدقلری حالده ؛ بوکیمسه سز بورد ؛ بوس بوتون
چوکه دن زمانمزه قدر عثمانلیلق دمغاسنی محافظه ایده رک کله یلمشدر .
فاتحه تزلزل نایدیر اوروح جوالی ، اومتانت خارقه نمایی نفخ
ایدن منلا کورانیلر ، منلا خسرو لر دکلیدر ؟

حتی ، عثمانلی پادشاهلری ایچنده آتی بی دوشونور بصیرتکار
بر دماغ ، ماضیدن عبرتین نافذ بر نظر مالکیتله ممتاز اولان ، فقط ،
مع التأسف - شمس عصر قدر بیله پایدار اولمده دن افول ایدن
سلیم اوله ، اوعلوی فکری ، اتحاد اسلام روحنی آقیدان منبی ،
ابن کاللرک ده های فضیلتلرندن باشقه زرده آراملیدر ؟

داها چوق زمان اول بوکونکی مقهوریته میدان آچه جنی محقق
اولان اکری ملحمه کبراسنده سلطان محمد رابعه ثبات و متانت فکری
القا ایدن خواجه سعدالدین دکلیدر ؟ خواجه نك عزم و نفوذی اولمسیدی ،
عثمانلی اردوسی تلافیسی ناقابل بر مغلوبیته دوچار اوله رق روم ایلی ده اوزمان
استیلای اعدایه اوغرامیه جقمیدی !

امت اسلامی ؛ کرک عثمانلیلر دورنده کرک ادوار اولیده ؛ بوکی
ممتاز سیمالرک حزمات فیاضانه لرله تعالی ایتش ، بونلرک یرنی بر طاقم
مظلم و جاهل توریدیلرک استیلا ایتسی اوزرینه انقراضه یوزطوتمشدر .
عثمانلی سلطنتک تاریخچه انقراضندن اوزون اوزادی به بحث ایده جک
دکار . یالکزشونی سویله به لم که بزده حقیقی عالملرک زوالیله دوره انقراضده
باشلامش ، ملتی آغیر و کشیف بر کابوس جهل و عطالت باصممشدر .

بشیکده چوجوقلره ، معتوه و متبصبلره بویوک بویوک رتب
علمیه توجیه ایدلرکنی قید ایدن صحائف تاریخ ، عین ستونلرده
انقراض دولتی حاضرله ین مشوم وقعه لرک خطوط اصلیه سنی ده
چیزمشدر . وظیفه مقدسه لری ، ملتی تنویر ، خلقی ارشاد اولدینی

همچو ایستورز . اقرار ایدیورز که : اوقویوب اوقوتدیغمز علملر هر نه نه کندیلرینه ویریلن امکملرله متناسب نمره لر ویرمیدی جهته ملتک شو بحرانی زمانلرنده مهم خدمتلرده بولنه میورز .

قابلی امیدسنلک ویاس کی کیریجی تأثرات آلتسنده نه زیلن وجدانلر شو اعتراف نه قدر نوشین بر رشاشه امنیت صاحبور .

حصه لرینه دوشن موجودیت علمیه یی کورسترمه مکله معذب اولان بو دماغلر ؛ شبه یوق که ؛ علمیه نک اسباب انقراضی ده دوشونمشلر ، مدارسک احوال بر سفالنتی حس ایشلر ، اصلاح و ترقی چاره لرینی تحری ایشلرد . اوقویوب اوقوتدقلری علملرک فائده سنز اولدغنی آجی تجربه لرله تقدیر ایدن مدرس افندیلرک آرتق بوجیقمز یولی تعقیبدن واز کچه چکلری ، خدا پسند بر امل ، نجیب بر آرزو ایله یوردلرینک حار و نوشین اوبه لرینی ترک ایدره ک مدارس قوشان معصوم برسوری وطن اولادلرینک ؛ بوندن بویله علم نامنه و همیات ویدی قودیلرله ، هدر اولمسنه رضا کورسترمه چکلرینی امید ایدرز .

الیوم وظیفه تدریس ایله مشغول اولان ایکی یوزی متجاوز مدرسین کرام ، اصول قدیمه نک عقامتی ، عصر حاضرک احتیاجاتی تقدیر ایشلرله - که بونده شبه ایتکه محل یوق - مسئله نک اک مهم واک کوچ قسمی حل ایدلمش دیمکدر . بویله اولدغنی حالده الآن بو سقیم و کهنه اصولک تعقیبه سبب نه ؛ بوکا ینهمدرس افندیلر جواب ویریورلر :

« نهوت ، اعتراف ایدیورز که : تعقیبه مجبور طوطولدیغمز قرون وسطی محصول اصوللرله هیچ بو وقت مفسرین عظام ، فقهای کرام و سائر علمای اعلامک درجه لرینه یتیمیه چکر ؛ فقط ، شورایه ده اشهاد ایدیورز که : کندیلرکده نمون اولدیغمز بو حاللر سعیمزک نقصانندن ، استعدادمزک فقدانندن نشئت ایتیوب ، هر درلو صلاحیتک فکر تجدد و روح تشبیدن آزاده عهدله رفیوض ایدلسی یوزندن الارض باغلانه رق بسله دیکمز آمال ترقی و اصلاح هر وقت عقامت دوچار ایدلسندن ایلری کلکده در . »

صلاحیتک هر درلور روح تشبیدن آزاده هر مدیده ، غیر متجانس ، اویوشوق دماغلره تفویض ایدلسندن نه قدر شکایت ایدلسه بحادر . ملت اسلامیه کرسی شهامتیه انهدامه یوزطوتمشکن باب مشیخته بروح فعالیت ، برهنه تجدد و انتباه کوریه مامسی عاقبت ین وجدانلرده نه الیم بحرانلر ، نه خسران انکیز نومیدیلر تولید ایدیور .

وطنداش عنصرلره رهبر اولان مقاملرک فعالیتیه ، ملت اسلامیه نک بدرقه تعالیسی اولمسی ایجاب ایدن مقام عالینک لاقیدیسی کوز اوکنه کتیریلرسه ایچین اشکابه تأتروکه مک قابل اولورمی ؟ یارب ! عجبا بوزواللی ملت ، ساحه ترقیده کندیلرینه فعال ، متشبث ، حقیقت اسلامیه و علوم حاضریه واقف احتیاجات عصریه یی مدرک بویوک دماغلی ذواتک رهبر اولدقلرینی کورمه یه چکمیدر ؟

نه یاپه جغنی بیلن ، بیلدیکنی تطبیقه مقتدر اولان ، چالیشمهدن بیایغیلق کورسترمه ین ذواتک خارجه بر ایلیمسی عجبا مملکتک منافعیه قابل توفیق میدر ؟ !

صورته مسئولیتی موجب ایدده بر صنفک تکمیل افرادینی بوحالده ظن ایتک بیوک برحقسزاق ویا وقوفسزلق دیمک اوله جفندن بو ظندن ابنای جنسمزی اسیرکدرز .

وطنک احتیاجاتی ، وظیفه نک قدسیتی ، موقع اجتماعینک عهدله لرینه تودیع ایتدیکی علوی فقط ، آغیر مسئولیتک ثقاتی ، استقبالك وخامتی ، حالک سله تهمتی ، ماضینک موروثات نکبتی بحق حس و تقدیر ایدره ک درخشان برجه نه نجیبه ایله اعتراف حقیقتدن چکیمه ین بو محترم سیالری حرمتله سلاملارز .

مشاهیر ریاضیوندن بر ذات (مسئله یی آکلامق یاری حل ایتک دیمکدر) سوزینی متصل تکرار ایدر طور برمش . نه طوغری بر حقیقت ! بو کونکی سقوطک دهشتی ، تمثال عرفان اولمسی ایجاب ایدن مدرسه لرک حال اسف انگیزی ، اکتساب علم و کمال آرزوی خدا پسندیه کویلرینی ، یوردلرینی ترک ایدره ک بورالره قوشان معصوم و مغدور بیچاره لرک یوصولنی یووه لده کوفلی خرافه لرله نصل اویوتولدقلرینی کورن ، هر کون بوجیع منظره لرک حساس بر تماشاگری و بلکه - ایسته میهرک - فعال برعاملی مقامنده بولنان زنده بر روح ، دیندار بر وجدان ، منور بر دماغ تصور ایدیه مزکه - مدرس افندیلر کی - صدای اشتکا و ایقازی اعلا یتسون ؛ بو حقیقتلرک اعترافی لزومنی طویمسون ! کنج و محترم مدرسلرک سودای فیض و ترقی ایله تهرین قابلری ، شبه یوق که ؛ تشنعات و اتهامات دها فضلله تحمل ایده مزدی . اساساً تحمل کورسترمک ده بو حالی تحسین دیمک اوله جقدی . بوتون بو یاکاش ظنلری اساسندن بیقه رق ، زمانک ایجابات و احتیاجاتنه کوره مدارسک اصلاح و تنظیمی ، درس لک تنسیقی ، مدرسلرک تفریقی ، طلبه نک آتیا ملت رهبر کالات اوله بیله چک اساسات علمیه ایله مجهز اولمسی ایسته مک قدر سلامت آتیه ایچون براعت استهلال اولورمی ؟ صوک عصرلرده ملتک فلاکت و جهالتدن مسئول اولانلر : (نه یاپه لم افندم ؛ ترقی نامنه آتیلیمق ایسته نیلن هر خطوه تجدد ، علمانک ممانعتنه اوغرایور .) سوزلریله بار مسئولیتدن قورتیلیمق ایستلردی . بو سوزلر او قدر تعمم ایتمشدرکه الآن آوروپالیر صنوف علمیه یی بوتون معناسیله (نحن وجدنا آباءنا) طریقه سالک برکتله تعصب ، هر نوع تجدد و ترقی یه حائل برهیولای مخوف حالنده تصور ایدیورلر . مدرس افندیلرک ؛ شوحقسز اتهاماتی رد ایدره ک ؛ ساحه ترقیده متین آدیملرله ایلریله مک عزمنده اولدقلرینی بتون جهان قارشى اعلان ایدن اعتراف و اشهاد مقاله لرینی ، معترض و بدینلرک نظر انصافلرینه عرض ایدرز . برده مدرس افندیلرک شو اعترافلرینی اوقویه لم :

« ایسته بز ، ملتک سلامتی کندیلرینه رهنای سعادت اولان بتون ارباب حیثله برابر اعتراف و اشهاد ایدیورز که : بوکون یاشامق ایچون لازم اولان معلوماتی هر صنف کی بزده بیلیمورز . دنیاده بقا بولق ایچون آنجق علوم و فنر ، صنایع و تجارت ، زراعت ، سیاست و عسکرک کی برحق اشکالده وارلق کورسترمکله ممکن اولدغنی حالده بز حصه مزه دوشن موجودیت علمیه یی کورسترمه میورز . فقط او معلوماتی استحصال ایدره ک بو موجودیتی کورسترمکی ایکییوزی متجاوز بولنان معاصرلرمزدن هان هیچ بری کیری قالمسزین

مدرس افندیلر کندیلرینه عائد برایشده صلاحیتدار طوتیلیمه ملری ده بوکا مائل و بزه مخصوص اعجوبه لر دندر .

فقط مسئولیتک بویوک بر قسمنک صلاحیتدار مرجعه عائد اولسی مدرس افندیلری تماماً قورتاریری ؟ مدرس افندیلر متحداً احتیاجات حاضریمه کوره بر پروگرام ترتیب و ایجاب ایدن کنابلری انتخاب ایدره ک تدریساته باشلادیلر ده روح تشبیدن آزاده صلاحیتدار مقاماتدن ممانعت می کوردیلر ؟

کرچه فردی تشبیلره دائر مطبوعات ستونلر نه بعض ملاحظاته تصادف ایدلری . فقط بوتون مدرسین کرامتک متحداً بوایشی دوشوندکلرینه دائر مع التأسف هیچ برشی ایشیدلمدی .

هر خصوصه ملته رهبر اولملری ایجاب ایدن مدرسین کرام ، عجبا نیچون ل برلکیله مداسک اصلاحی اساسلری ، و درس پروگراملری قرارلاشدیرره رق اسباب موجبلی بر لایحه لفاً درس و کالته تقدیم و تطبیقی طلب ایتدیلر و ایتیمورلر ؟

بر ملتک فلاکتسندن ، او ملته منسوب اولان هر فرد موقع اجتماعیمی نسبتنده مسئولدر .

کندی دماغلری - بیلمه یه رک - علم نامنه سنه لرجه و همیاته او یوش دیرانلردن بوکون آجی آجی نکات ایدنلر ؛ و خاتمی بیله رک ؛ عین بولی تعقیب ایدرلر سه نسل مستقبل حضورنده ده آغیر اتماملرله محکوم اولملر می ؟

کندیلرینه و دیعه سبحانی اولان معصوم برکتله نک - لوبالواسطه اولسون - معناً ، ماده انقراض و فلاکت سبب اولمق خوفیه وجدان غذابلری چکن هیئت متفکره نک ؛ داها وقت کجه مشکن ؛ متحداً احتیاجات عصریه ایله متوافق بر پروگرام تنظیم ایدره رک مرجع عائدینه تقدیم و تشبیلرندن مطبوعات واسطه سیله ملتی ده خبردار ایتملری ایجاب ایتزمی ؟ آغیر اتماملردن قورتلقی ایچون بوندن باشقه چاره وارمیدر ؟

م . شمس الدین

مکاتیب

ژاپونیا اخبار مخصوصه

ژاپونیا دارالفنون طلبه سندن عثمانلی دارالفنون طلبه سنه

مکتوب

برقاچ وقتدنبری وطن مقدسزدن کلن جراندی ژاپون آرقداشلرم افندیلره ترجمه ایدوب ممالک عثمانیه نک احوال حاضرهمی حقنده حقیق حوادث نشر ایتیمه جالیه یورم . بوندن برقاچ وقت مقدمه درسعات جرائنده دارالفنون عثمانی نک خسته خانه حاله افراغ اولوندیغی ، طلبه افندیلرکده بر قسم مهمنک میدان غزایه کیتدکلری اوقومشدم ؛ بونی ده حوادث صیره سنده سوله دیکم کی بوندن برهفته قدر اقدام بومایده منتشر انکلیزجه برغزته ده تلغراف حوادثی میاننده میدان حربه کیدن دارالفنون طلبه سی افندیلرندن

بر قسمنک میدان حربده شهید اولدکلری اوقویوب متأثر اوله رق ینه آرقداشلریمه نقل ایتشدم .

طبعاً وطنپرور یاراداش کنج ژاپونیالی آرقداشلرم برقاچ وقتدنبری بنده کزدن عثمانیلرک دلاورلکلرینه دائر خبرلر ایشیدوب تماماً بر عثمانلی کی میدان حرب خبرلری مراقله اوقومشده درلر . وطنندن بر موفقیته خبری کلدیکی زمان جمله سی بنی تبریکه شتاب ایدیور ؛ کذلک اسفانکیز بر خبر کلسه یه بنم کی اونلری متأسف ایدیور . خصوصاً دارالفنون طلبه سندن بر قسم مهمنک میدان غزاده شهادتی آنلری جدا مکتدر ایتشدی . عثمانیلرک بر موفقیته مکتبمزه عادتاً برعید اولیور .

بویله حسیاتله مشحون آرقداشلریم بوندن برقاچ کون مقدم میدان حربه کوکلی اولارلق کیتیمه دعوت ایتدم . بنامه برابر کیتیمه قدر راضی اولدیله ؛ لکن او ائشاده صلح خبرلرینک شیوعی بزی یولزدن آلیقویدی . لکن بو اصل افندیلر وطن مقدسزمه اولان محبتلری اظهار خصوصنده باشقه یوللره توسل ایتدیله .

مکتبمزه اموراداره سی درعهده ایتش طلبه میاننده بیوک بر شرفی حائر و مکتبک شوراسی مقامنده اولان یه طلبه آره سنده منتخب « یوز برلر » نام یوز بر اعضاء مرکب جمعیمزه بر استعداد تقدیم ایتدیله و عثمانلی دارالفنونک وطنلری حمایه یولنده میدان غزایه آتیلیمه لرینی تبریک و شهیداسنی تعزیه ایچون بر میتینگ یاغمه و میتینگ مقرراتی با تلغراف و یا با پوسته استانبول دارالفنوننه تبلیغ ایتیمه قرار ویردیله .

تبلیغاری جمعیمزه ممنونیه قبول اولوندی ، مکتبک هراون بش کونده بردفعه انعقاد ایدن عمومی میتینگنده یوز برلر جمعیتی بونی عمومه عرض ایتدی ؛ آلفشله قرشیلادیله .

غایت محبت و صمیمیتله بر قاچ افندی ایراد نطق ایتدی ، نهایت بر قومیسین انتخابی ایله وصیده دارالفنونی نامنه درسعات دارالفنوننه زیرده معروض مکتوبی تقدیمه قرار ویردیله .

میتینگک نهایتنده بنده مساعدت آلوب : بتون آوروپا شوصوک محاربه ده عثمانیلیمه قارشى سهام بلا یا نیدیردینی حالده محترم ژاپونلر و خصوصاً وصیده دارالفنونی طرفندن وطنمه قارشى بویله بر صمیمیت ابرازی بنم ایچون اک بیسوک مسرت اولدیغی عرض ، و بوراده بولوندیم مدتیجه ، دولت علیه یه قارشى بونوع تظاهراته تصادف ایتدکجه کندیی وطنمده کی حس ایدر اولدیغی بیان ایتدم . خصوصاً لابس بولوندیم نیرمزی فس عثمانلیق علامتی اولارلق تلقی اولوندیغندن آرقداشلرم فسق آلوب یوقاری قالدیره رق آتی تقدیس ایله ژاپون ملتی مارشی ترنم ایدره رک طاغیلر .

ایکی کون اقدام یوز برلر جمعیتی اداره سندن ، قومیسینک ترتیب ایتدیکی و جمله اعضالرک یوز بر امضاسی ایله تزیین اولومش مکتوبی آلدیم ، اوقودم ؛ بردها ، بردها اوقودم . مسرتدن کوزلرمدن دامله دامله یاشلر آقیوردی . هان قوییه سی آلوب تقدیمه شتاب ایتدم . امینم که بنم کی بوتون مسلمان وطنداشلر و دینداشلرم ده مسرور اوله جقلدر . ایسته مکتوبک عیناً ترجمه سی :

« عزیز استانبول دارالفنون طلبه سی آرقداشلریمز !

۱۹۱۲ سنه سی دخی ۱۹۱۱ سنه سنک متعاسی کی دولت علیه ایچون یه محاربه ایله نهایت بولیور . وطنکیزک طور اغی یه طولو کی قورشونلر ، سیل کی قانلرله صولایور . متفق باقان اردولرینک ظامی عالم مدیتی ایکلر تیور .

« طرفدارلقه مشحون بعض تلغراف اداره لرینک کتیردیکی خبرلرک نه مقصدله نشر اولوندیغی نر آکلادق . چونکه قیق مستور قالماز .

« عصر لر دنبری دلاورانه محاربه ای ن سز عثمانیلرک یا لکیز بوکون